

Dok. br.:1R-63-R-23-1/1-2

Svjesni značaja sliva rijeke Save za ekonomski, društveni i kulturni razvoj regije,

U želji da se razvija turistička plovidba u slivu rijeke Save,

Uzimajući u obzir razlike u propisima u području unutrašnje plovidbe u Republici Hrvatskoj i Republici Sloveniji,

Vjerujući da ujednačavanje režima plovidbe na zajedničkim dijelovima rijeke Kupe između Republike Hrvatske i Republike Slovenije može doprinijeti razvoju turističke plovidbe i turizma,

U skladu s članom 16. stavom 1. (d) Okvirnog sporazuma o slivu rijeke Save (Okvirni sporazum), članom 5. stavom 4. Statuta Međunarodne komisije za sliv rijeke Save (Savska komisija) i članom 7. Pravila postupka, Savska komisija donosi

PREPORUKU 1/23


o

REGULISANJU KORIŠTENJA RIJEKE KUPE NA SEKTORU OD DRUMSKOG MOSTA KAMANJE/UŠĆA KAMENICE DO UŠĆA ČABRANKE ZA PLOVIDBU

Savska komisija preporučuje stranama Okvirnog sporazuma, na koje se to odnosi, da odgovarajućim nacionalnim propisima/aktima regulišu korištenje rijeke Kupe na sektoru od ušća Kamenice do ušća Čabranke za plovidbu u skladu sa elementima koji su navedeni u Prilogu 1. ove Preporuke, s ciljem povećanja sigurnosti pri korištenju rijeke Kupe za plovidbu i poticanja razvoja turističke plovidbe i turizma u slivu rijeke Save.

Zagreb, 28.06.2023. godine

G-đa Duška Kunštek
Predsjedavajuća Savske komisije



Prilog 1

ELEMENTI ZA PREPORUČENO REGULISANJE KORIŠTENJA RIJEKE KUPE NA SEKTORU OD UŠĆA KAMENICE DO UŠĆA ČABRANKE ZA PLOVIDBU

Član 1.

Značenje određenih pojmova:

- a) „plovilo“ je svaki objekt unutrašnje plovidbe namijenjen za plovidbu, uključujući brodove, čamce, skele i plutajuća postrojenja,
- b) „čamac“ je svako plovilo koje je kao takvo definisano u nacionalnim propisima Republike Hrvatske i/ili Republike Slovenije. Za potrebe ovih pravila izraz čamac obuhvata i kajake, kanue i rafting splavove/plovila za rafting,
- c) „skela“ je plovilo namijenjeno za prevoz osoba i stvari s jedne na drugu obalu unutrašnjih voda i koja je kao takva klasifikovana od strane nadležnog tijela. Plovila koja obavljaju takav prevoz i koja ne plove slobodno moraju se u svakom slučaju klasifikovati kao skele,
- d) „ulazno-izlazna mjesta“ su odgovarajuća mjesta na rijeci namijenjena za porinuće i izvlačenje odnosno spuštanje i dizanje plovila iz vode, ukrcaj i iskrcaj njihovih posada i putnika, prtljage i snabdijevanje plovila.

Član 2.

1. Na sektoru rijeke Kupe od ušća Kamenice do ušća Čabranke (u daljem tekstu Sektor) plovidba je dozvoljena čamcima i skelama bez motornog pogona.
2. Plovilima iz stava 1. ovog člana plovidba je dozvoljena samo ukoliko im je utvrđena sposobnost za plovidbu u skladu sa nacionalnim propisima Republike Hrvatske ili Republike Slovenije.

Član 3.

1. Ulazno-izlazna mjesta, s obzirom na namjenu, uređenost i vrstu opreme, dijele se na glavna ulazno-izlazna mjesta, ulazno-izlazna mjesta i odmorišta. Glavna ulazno-izlazna mjesta i ulazno-izlazna mjesta namijenjena su za porinuće i izvlačenje odnosno spuštanje i dizanje plovila iz vode i ukrcaj i iskrcaj njihovih posada i putnika, prtljage i snabdijevanje plovila, a odmorišta isključivo za ukrcaj i iskrcaj posade i putnika prtljage i snabdijevanje plovila.
2. U skladu s minimalnim standardima za uređenje odmorišta, ono mora da ima sljedeće:
 - a) tablu koja označava odmorište i pravila i uslove za njegovu upotrebu (izgled table dat je na skici 1),
 - b) odgovarajuću opremu za privez čamaca,
 - c) pristupni put.
3. U skladu s minimalnim standardima za uređenje ulazno-izlaznog mjesta, ono mora da ima sljedeće:
 - a) tablu koja označava ulazno-izlazno mjesto i jasno određuje pravila i uslove za njegovu upotrebu (izgled table dat je na skici 2)

- b) odgovarajuće uređen pristup do vode za osobe i plovila,
- c) odgovarajuću opremu za spašavanje iz vode,
- d) opremu za prvu pomoć,
- e) klupe,
- f) pristupni put,
- g) privremeno parkiralište odnosno okretište.
- h) odgovarajuću opremu za privez plovila,

4. U skladu s minimalnim standardima za uređenje glavnog ulazno-izlaznog mjesta, ono mora da ima sljedeće:

- a) tablu koja označava glavno ulazno-izlazno mjesto i jasno određuje pravila i uslove za njegovu upotrebu (izgled table dat je na skici 2),
- b) odgovarajuće uređen pristup do vode,
- c) odgovarajuću opremu za spašavanje iz vode
- d) opremu za prvu pomoć,
- e) pristupni put,
- f) stalno ili privremeno parkiralište odnosno okretište,
- g) uređen prostor za bicikle,
- h) stolove sa klupama,
- i) posude za odvojeno sakupljanje otpada,
- j) uređene stacionarne ili mobilne sanitarije.
- k) odgovarajuću opremu za privez plovila,

5. Lokacije ulazno-izlaznih mjesta i količinu gore navedene opreme te tehničke uslove za određenu opremu, određuju nadležna tijela prema potrebi.

Član 4.

1. Plovidba plovila za sportske, rekreativne i turističke svrhe dozvoljava se od 15. aprila do 31. oktobra tekuće godine.

2. Plovidba plovila za sportske, rekreativne i turističke svrhe u mjesecima jun, jul i august dozvoljava se dnevno između 9.00 i 20.00 sati, a u mjesecima april, maj, septembar i oktobar između 10.00 i 18.00 sati.

3. U periodu od 15. aprila do 31. oktobra izvan navedenih vremena u stavu 2. ovog člana i u periodu od 1. novembra do zaključno sa 14. aprilom plovidba plovila za sportske, rekreativne i turističke svrhe nije dozvoljena. Sve plovidbe u tom periodu potrebno je najaviti i za njih kod nadležnih tijela u državama ishoditi odgovarajuću dozvolu u skladu sa važećim zakonodavstvom.

4. Plovidba plovila za sportske, rekreativne i turističke svrhe nije dozvoljena kad je vodostaj na vodomjernoj stanici „Sodevci“ u Republici Sloveniji 290 cm i viši te vodostaj na vodomjernoj stanici „Hrvatsko“ u Republici Hrvatskoj 290 cm i viši.

5. O zabranama, upozorenjima i savjetima za plovidbu nadležna tijela će upozoravati i obavještavati javnost putem saopćenja za brodarstvo, elektronskih ili drugih medija. Nadležna tijela će o izdatim zabranama, upozorenjima i savjetima za plovidbu izvijestiti jedna druge.

Član 5.

Na Sektoru je zabranjeno:

- a) privezivanje plovila izvan uređenih i označenih ulazno-izlaznih mjesta,
- b) porinuće i izvlačenje odnosno spuštanje i dizanje plovila iz vode i ukrcaj i iskrcaj posada i putnika, prtljage i opskrba plovila izvan uređenih i označenih ulazno-izlaznih mjesta,
- c) deponovanje i skladištenje plovila.

Skica 1. Tabla koja označava odmorište



Dozvoljeno je vezivanje za obalu na strani na kojoj je znak postavljen

Skica 2. Tabla koja označava ulazno-izlazno mjesto i glavno ulazno-izlazno mjesto



Dozvoljeno spuštanje ili izvlačenje čamaca i njihovo vezivanje na strani na kojoj je znak postavljen

Napomena: Oznake na obali i njihove definicije preuzete su iz Dodatka 7 Pravila plovidbe u slivu rijeke Save – „Znakovi za reguliranje plovidbe“